

李觀察於西歷九月五日奉政府命。由西藏之拉薩抵大吉嶺。訪問達賴喇嘛。

### 中國政局之評論

倫敦太晤士報評論中國大官更動一事。且謂攝政王宜速起復袁世凱使當要路。

### 袁世凱出廬說

據東亞落衣奪社之北京電報云。袁世凱復職之交涉。現正在進行中。其問題祇在何時使復職之一點耳。且氏之地位當不在中央政府而在地方總督。

### 唐紹儀之被劾

兩湖總督瑞澂奏參新郵傳部尙書唐紹儀。謂唐不過僅勝翻譯之任。才識兩無所長。昔當外交局時。已遺失敗之歷史。今以之當粵漢鐵路借款之局。使其所定章程。違背輿論。則兩湖民之反對。固不待言。其結果甚且至於不可收拾。爲地方官者。不敢不以一言上奏云云。

### 袁世凱起用之難

日本朝日新聞載有北京來電。起用袁世凱一事。以那桐之勢力及宮廷一部私黨之反對所阻。難望有成。

### 端方起用之上奏

兩湖總督瑞澂上奏。謂端方於憲政及實業上。有卓越過人之力量。請速起用以濟時艱云云。

### 唐紹儀被劾之原因

日本朝日新聞載有北京來電。謂唐紹儀被劾及袁世凱起復中止等事。均出於日本之運動云。

### 中國外債之方針

前郵傳部發行之京漢鐵路內國債。除正金銀行承辦二百五十萬。英國資本家承辦一百萬外。其殘額七十五萬磅。以內地人應募者少。故近日不經外國紹介。直在倫敦市場募集。此事毫與駐北京之某美人無涉。乃獨立之募集法。聞倫敦之西幾烟米次奪蘭銀行當承辦之。又錫良氏所募得之外債。以五百萬兩爲度。逾此額則非經中央政府之承諾不可。

### 梁敦彥之旅行

陽歷九月七日梁經過長春向歐洲進行。曾於奉天語人曰。此行擬不到俄京而直赴意大利。嗣往巴黎倫敦視察一切。後如賤體尙健時。再渡美云云。

### 中美銀行計畫

梁敦彥氏與美國資本家所計畫之中美銀行。聞資本金爲一億萬兩。俟梁氏由歐渡美後。即當協定云。

譯

叢

英國日日新聞對於日韓合邦之評論

(朝日八六三五)